


[www.BibleForChildren.org](http://www.BibleForChildren.org)

# Matayo 1




Mwei gwa sita gwa ndumbo ja Elizabeti, Nnoongo ngankinga mpakachi Gabulieli kuboka kumbengu ajende kukilambo cha ku Nazaleti okwo Ku Galilaya, kwa kamwale jumwe, ojwalagine kutolana na mundu jumwe ojwa kemigwa Yusufu jwa lungolo Iwa Daudi. Lina Iya kamwale jwenio Maliamu.



Mpakachi kuboka kumbengu  
ngannengela, “Makajogopaje Maliamu,  
Nnoongo ampi upeelee. Mampata  
ndumbo, mampotola mwana  
munalome na mampa liina  
lyakwe Yesu. Jwenio maba  
nkolongwa na akemigwa  
Mwana jwa Nnoongo ojwabi  
kunani muno. Angwana ana  
Nnoongo mabampa kitebu cha  
Nngwana Daudi aoko mundu, jwenio  
nga nngwana ju lungolo lwa Yakobo

machoba goa pangapela,  
kingwana chakwe kiba cha  
machoba goa pangapela!”



Maliamu ngannengela mpakachi  
kuboka kumbengu, “Kilebe chenie  
kiba bole? Nanenga nanabeje na  
munulome tangu nabelekwa?”



Mpakachi kuboka kumbengu  
ngajanga, “Uhuke jwa Nnoongo  
manhwikilila, na makakala ga  
Nnoongo maganhwekelela kwa  
magambu genia Mwana ojwapa  
kubelekwa akemigwa  
Nchwapi, akemigwa  
Mwana jwa Nnoongo.”




Kuboka pamachoba machoko, Maliamu ngaboka mwanja ngajenda chokwe mpaka kilambo echikibi kuitombi ya Yudea. Kwenio ngajingi unyumba ja Zakalia ngampata abali Elizabeti. Elizabeti apajoa abali ja Maliamu, kingota cha mulutumbo mwa Elizabeti ngikiina. Elizabeti nganhwikili Uhuke jwa Chwapi, ngalongela kwa lilobe likolongwa, “Nkweti kindimba kupeta


akikege boa na mwana ojwapakubelekwa akoigwe.”



Kubelekwa kwa Yesu Kilisto kukiba yene, Maliamu  
amamundu Yesu akankobeka  
Yusufu. Nambu tangu nu  
kutamangaje pamwe andi  
pibi analome na akege,  
Maliamu ngabonekana  
abi na ndumbo  
kuwecho gwa  
Uhuke jwa Chwapi.  
Magambu Yusufu akiba na  
majendo ga mbone nnongi  
ja Nnoongo, apaije kunkoya  
oni Maliamu, ngapala  
kunneka kukunyegelela.




Pakiba akaacha genia Mpakachi jwa Angwana kuboka  
Kumbengu ngampitila mumaloto kulenga, “Yusufu,  
mwana jwa Daudi, makajobokaje kuntola  
Maliamu kube aanabinu magambu  
ndumbo ejabinajo kuwecho gwa Uhuke  
jwa Chwapi. Abakupoto mwana  
munalome mumpa liina lyakwe Yesu,  
magambu jwenio nga  
ojwapakakombola  
bandu bakwe



mumabaja gabe.”




Yusufu apajimuka mulugono, ngatenda genia agalenga  
mpakachi jwa Angwana kuboka Kumbengu, nganto  
Maliamu kube aanamundu. Nambu  
bagolokingeje kindanda chimweje  
mpaka Maliamu apapotola mwana  
munalome Yusufu ngampe liina  
mwana jwenio Yesu.



Machoba genia Nngwana Agosto ngabeka amuli  
ngapala bandu boa ba Loma babalangigwe. Boa  
ngabajenda kukiandikicha  
kila mundu kukilambo  
chakwe.



Yusufu ngaboka kilambo cha Nazaleti ku Nkoa gwa  
Galilaya ngajenda kukilambo cha Beteleemu ku Nkoa  
gwa Yudea kwa belekwa  
Nngwana Daudi. Yusufu  
ajenda kwenio  
magambu akiba  
ju lungolo lwa



Daudi.


Ngajenda kukiandikicha  
pamwe na Maliamu ojwakalagana kutolana nakwe.




Kongo abi na ndumbo,  
Apabakibanga  
Kubeteleemu, Maliamu  
lichoba lyakwe lyu  
kupotola ngiliika, . . .



. . . ngapoto mwana jwakwe ju litibo munulome,  
ngankwindia ngobo ngang'oneka mulijola elitendekiigwe  
kulele ng'ombe, magambu  
bapatangiteje nyumba  
jukuiki akageni.



Penia pakiba akachungi, batendanga kupokelana kilo  
kulende ilangwa yabe papipi na Betania. Akapakachi  
kuboka kumbengu ngabapitila, na  
kibumo cha Angwana



ngichamulakila  
tii nde.  
Ngabajobokanga  
muno.




Nambu Akapakachi kuboka kumbengu ngabalenga,  
“Makajogopangaje! Inkila kunetelanga nhwalo gwa  
mbone gukuala moja muno kwa  
bandu boa.”



“Kwa magambu lele kukilambo cha Daudi abelwike  
Nkomboi jwinu Kilisto Nngwana ojwalagila Nnoongo.  
Nachenje kiba kiingi chinu mukikolela  
kilemba bikikwindiye ngobo  
pi lijola lya  
kulele  
ilangwa.”




Kingobu tu kikuta kikolongwa cha matyala kuboka  
kumbengu ngababe pamwe na Mpakachi  
kuboka kumbengu, ngabajembanga  
nu kunnumba Nnoongo,  
kulenga, . . .



... “Kibumo ku Nnoongo kunani muno  
kumbengu, na tengela padunia kwa  
bandu ababapaile muno.”




Kuboka tu akapakachi kujabu kumbengu,  
akachungi ngabalengelana, “Tujendange  
mpaka ku Beteleemu takalole Iyenie  
libutulengile Angwana.”



Yenie ngababutuka mbelo, ngabankole Maliamu na  
Yusufu ngabammona mwana bang'onike pilijola lya  
kulele ilangwa. Akachungi apabammona mwana,  
ngabalengela nhwalo gwa mwana ogubujoininge  
kwa akapakachi.




Yesu abelekwa  
kukilambo chuku  
Beteleemu kunkoa  
gwa Kuyudea,  
kingobu  
Helode pakiba



Nngwana. Kingobu tu kuboka  
pu kubelekwa, akamanyi ba  
ndondwa ngabaika  
Kuyelusalemu kuboka  
kumbwani.






Ngabakonya, “Kibiko kilemba,  
chikibelwike ojwabakube  
Nngwana jwa Akayahudi?  
Tulubweni lutondwa lwakwe  
kuboka kumbwani natwe tuikita  
kunng'ongalela.”



Penia Helode ngabakemanga  
pantemela akamanyi ba  
ndondwa, ngaba konyanga  
kingobu gani pulupitila  
lutondwa. Kuboka penia  
ngabatuma bajendange ku  
Beteleemu ngabalagi,  
“Nnyendange makaingikiye  
nhwalo gwa mwana jwenio,  
anda mampatite unetele  
nhwalo gwenio  
nane nyende  
nakang’  
ongalele.”



Kuboka pa kapenikia angwana, akamanyi ba ndondwa  
ngabajabula. Penia lutondwa lubalubona kingono cha  
kalelo kumbwani ngulwalongaleya

mpaka ngulujenda kujema  
panani pakiba mwana.



Ngabajingila unyumba

ngabammona  
mwana jwenio

pamwe na  
amamundu

Amaliamu,  
ngabakilikitila,

ngabanng'ongalela.



Kuboka penia ngabakulugula mikoba jabe ngabampe  
hupo, jaabu nu ubani na mauta ga bei ngolongwa

agakemigwa manemane. Penia

ngababuja kachabe

kundela jenge gambu

Nnoongo akatekakelebuya

mumaloto


bakammujije

Helode.



Kuboka pa akageni kujabula,  
mpakachi jwa Angwana kuboka  
kumbengu ngampitila Yusufu  
mumaloto ngannenge,  
“Nnyimuke muntole mwana  
pamwe na amamundu  
ntilile kukilambo cha  
Kumisili. Ntamanga  
kwenio mpaka

pambakunnengela, gambu  
Helode apa kunkoma  
mwana jwenio.”




Yene Yusufu ngajimuka,  
ngantola mwana na  
amamundu, ngababokanga  
kilo kujenda Kumisili.  
Ngabatama kwenio mpaka  
Helode pajomokaga.  
Kilebe chenye kipitila  
kupala lilobe libalongela  
Angwana kupete  
nnondoli jwa

Nnoongo lilenganile,  
“Nganankema manango  
kuboka Kumisili.”




Helode apang'anyama kutenda  
akamanyi ba ndondwa bala  
batekunkoloya, ngachimwa  
muno. Ngalagi ingota yoa  
ikinalome ya kilambo chuku  
Beteleemu na eibi papipi jakwe  
eibi nayaka ibena kubuja unyuma  
ikomigwe.



Atenda genia akombakela  
machoba kuboka pagaika  
akamanyi ba ndondwa.





Kuboka pu kujomoka Helode,  
Mpakachi jwa Angwana  
kuboka kumbengu ngampiti  
Yusufu mumaloto ukwako  
Kumisili. Ngannenge,  
“Nyimuke muntole  
mwana na amamundu  
mmuje kukilambo cha  
Kuisilaeli, magambu  
abapalangita

kunkoma mwana jwenio  
bawilangite.”




Nambu Yusufu pajoa kita Akelao  
Atawala Kuyudea  
paali pa awamundu  
Helode, ngajoboka  
kujenda kwenio.



Kuboka pukunkelebuya  
mumaloto, ngajenda kunkoa guku  
Galilaya, Na ngaami kukilambo chi Kunazaleti.






Yene ngagalenganila  
malobe agalenga Nnondoli jwa  
Nnoongo, “Binkema Nnazaleti.”



Magambu Nnoongo atekupapala  
padunia pano muno ata ngammoya  
Mwana jwakwe jwajika, ibe kila  
mundu ojwapakunhwamini  
akaweje nambu apate  
bwomi gwa machoba  
goa pangapela.



Akaloma 3:23

bandu boa balemwite na babi kutaali na kibumo cha  
Nnoongo.

Akaloma 6:23

Kwa magambu lipungu Iya mabaja nga kiu, nambu hupo  
ejapanga Nnoongo nga bwomi gwa machoba goa  
pangapela kukulondana na Yesu Kilisto, Angwana bito.

Akaebulania 9:27

Kila mundu kuwe pakamwe tu, nu kujema nnongi ja  
hukumu ja Nnoongo,



## Akaefeso 2:8,9

Magambu, kwa gwambone gwa Nnoongo nkomboligwe kwa ndela ja imani. Kile chenye ngiti magambu ga kachana kwinuje, nambu hupo ya Nnoongo. Ngiti kiboke muitendwa yinuje, mundu akalokelokeje kilebe.

Akaloma 10:9,10 Anda nnyeketile kwa kano jinu kube Yesu nga Angwana nu kuamini kumwojo gwinu kube Nnoongo nganhyoya kuboka kwa abawile, mankomboka. Magambu umwojo mundu kuamini mpaka kujeketeligwa kube jwambone nnongi ja Nnoongo, na kwa kano mundu kujeketela mpaka koligwa.



## Yohana 3:16,17

Magambu Nnoongo atekupapala padunia pano muno ata ngammoya Mwana jwakwe jwajika, ibe kila mundu ojwapakunhwamini akaweje nambu apate bwomi gwa machoba goa pangapela. Magambu Nnoongo antumitije Mwana padunia pano kahukumu bandu, nambu kakombolanga.

## 1 Yohana 5:11-13

Nuchaili gwene nga gongo, Nnoongo ngatupe bwomi gwa machoba goa pangapela, bwomi gwenio uboka ka Angwana. Mundu jwajoa ojwanhwamini Mwana jwa Nnoongo akweti bwomi gwenio, jwanganhwamini, akwetije bwomi. Nunhwandikilanga mangweto manhwamini ku lina Iya Mwana jwa Nnoongo mmanyange kutenda nkwet bwomi gwa machoba goa pangapela.



Matayo 1-2; Luka 1-2

Storyline by: Edward D. Hughes

Illustrated by: M. Maillot  
and Alastair Paterson

Adapted by: E. Frischbutter, Sarah S.

Ngindo NT (nnq) © The Word For The World, 2015.

<https://www.bible.com/bible/1674/MAT.1.NNQNT>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

